

gizarte eragileena, beren arloetan pauso eragingarriak emanez, euskarak eremu berriak irabaz ditzan; herri-tarrona, euskara ikasiz eta erabiliz; azken batean, euskal gizartearen ahalegina».

Euskara: munduari egiten diogun ekarpena

Korrika 12ko arduradunak adierazi zuenez, «kulturarak bakartuta egon beharrean, elkarri eraginez bizi behar dute, norgehiagoka ez, baina elkarren ondoan». Ildo horretan, gaineratu zuen euskaldunok euskararen bidez egin nahi dizkiola ekarpenak munduari: «Ez gaude itxiak beste hizkuntza eta kulturei, baina guk geurea den horretatik egin nahi ditugu ekarpenak, eta, aldi berean, kultura eta hizkuntzen uniformizazioak dakarren globalizazioari aurre egin».

Hala, bestelako nazioartekotze bat egin daitekeela aldarrikatzen duten munduko gainerako herritarrei Korrika da euskaldunek egiten dieten ekarpena, Ugaldek azaldu zuenez. «Gure hizkuntza sustatuz, gure hizkuntza eskubideak bermatuz, munduan benetako hizkuntza eta kultura aniztasunaren alde ari gara», laburbildu zuen 12. ekitaldiko arduradunak.

Leloak duen beste zentzu bat ere azaldu zuen Ugaldek, alegia, mundu bat, jende asko hurbilarazi nahi dutela Korrika 12an parte hartzera. Ildo horretan, dei zabala egin zien euskal herritarrei Korrika 12rekin bat egin dezaten, eta ekitaldiak parte hartzeko eskaintzen dituen aukerei hel diezaieten.

Lehenengoa gogoan

Jose Mari Satrustegik, Eli Galdosek eta Urtsa Erraztik Korrika 1 izan zuten hizpide

I. P. / Donostia

Korrika 12k bere sustraie-tara jo nahi izan du ekitaldi honetan. Duela 20 urte lehen Korrika Oñatitik abiatu zen egun berean, azaroaren 29an, aurkeztu zuten, Donostian. Jesus Mari Satrustegi eta Eli Galdos 0. eta 1. kilometroren egileak eta Urtsa Errazti Korrika 1eko arduraduna lehen Korrika hartaz mintzatu ziren.

ELURRA ari zuen Oñatin. Beraz, negu bete-beteko eguraldiarekin abiatu zen duela 20 urte Korrika 1 Oñatitik. Jose Mari Satrustegi euskaltzainari egokitu zitzaion lehen ekitaldi hartako 0. kilometroa egitea «Oso bizkor, abiada bizian, egin genuen Oñatiko irteera, hasi baino lehen ametsen helmugara iritsi nahian bezala».

Satrustegik azaldu zuenez, 20 urteren buruan, zero asko bereganatu du Korrikak. «Zero asko beharko luke hainbat urtez parte hartu duten pertsonen batuketako zenbakiak. Iduri luke, horrenbestez, hasiera xume hartako bere eginkizuna betea dela; izan ere, orduan ameskizun ziren muga asko gainditu baitira denbora honetan».

Euskara kalera plazaratu da urte hauetan, Satrustegiren hitzetan, baina erronka berriak ditu egun. «Bi milagarraren aldiko gizartean euska-

rak bizirik jarraitu nahi badu, bizinahiaren zergatia eman behar zaio europar gizarteari, berari ere komeni zaion mezuarekin».

Esan zuenez, «Europa zaharreko hizkuntzarik zaharrena da euskara. Gaztelu eta hiri babestu guztiak baino altxor preziatuagoa. Eta bizirik dirau, Europak izan dituen hizkuntza ohien lekuko den altxorrak». Horregatik, *Euskara jalgi hadi munda* da berriz erronka amesgarria, bere ustez.

Lekukoa hartu zion 1. kilometroan Eli Galdos Oñatiko

orduko alkateak Satrustegiri duela 20 urte, atzo bezala: «Elurra mara-mara zihardu duen gau hartan, Oñatiko korrikalarion bihotz eta oinetan berotasuna genuen, hain zuzen, euskararen ibilbidean handi bilakatu den haur jaio berriari transmititu nahi genion gure bihotzen beroa».

Galdosek eskerrak eman zizkion AEKri sortu zenetik egin dituen euskal hitzun oso guztiengatik, «ezerk eraikiko badu Euskal Herria, horrexek eraikiko duelako». Azkenik, Koordinakundearen «lan bikaina» goraipatu zuen.

Lan gogorra, baina polita

Urtsa Errazti Korrika 1eko arduradunak ere eman zuen orduko testigantza: «Erronka ez zen makala: Euskal Herria zeharkatu, gau eta egun, errelebo eta gelditu gabe. Orain errazagoa ematen duen arren, lan guztia koordinatzea, markatzea... Lan gogorra, baina izugarri polita izan zen». Erraztik gogoan izan zuen Korrika hartan parte hartzen ari zela auto batek harrapatuta hil zen Xabier Eseberri etxarriar gaztea.




EDURNE KOCH

Euskal kulturaren eta euskalgintzaren babesa. Euskal kulturako eta euskalgintzako kide ugariak parte hartu zuen Korrikaren aurkezpenean, besteak beste, Labaien, Etxenike, Etxezarreta, Galdos eta Torrealdaik.

2001 Agenda

SALMENTA LEKUAK:



BILINTX PAPER DENDA
BILINTX MEGADENDA
HONTZA LIBURU DENDA
GARAZI LIBURU DENDA
ERNAITZA LIBURU DENDA
STOP LIBURU DENDA
HIRE LIBURU DENDA
IRATZAR LIBURU DENDA
MIRENTXU LIBURU DENDA
ETXEPARE, BILINTX LIBURU DENDA
MASILLO, GONZALO LIBURU DENDA
AYERBE LIBURU DENDA
GOROSTIZA
LETE LIBURU DENDA
OLEARSO LIBURU DENDA
BERTSO HOP, BILINTX MEGADENDA
GERRIKO LIBURU DENDA
APATXO LIBURU DENDA
IBARRONDO LIBURU DENDA
BAGA BIGA LIBURU DENDA

DONOSTIA
DONOSTIA
DONOSTIA
DONOSTIA
ANDOAIN
ANDOAIN
ARRASATE
AZKOITIA
BEASAIN
BERGARA
DEBA
EIBAR
ELGOIBAR
HERNANI
HONDARRIBIA
IRUN
LAZKAO
LEGAZPIA
OÑATI
ORDIZIA

XENPELAR KULTUR DENDA
BILINTX TOLOSA
LIZARDI LIBURU DENDA
KIRIKIÑO LIBURU DENDA
URRETXINDORRA LIBURU DENDA
VERDES LIBURU DENDA
EGUNKARIAK LIBURU DENDA
MILOS PALENZUELA LIBURU DENDA
BIOK LIBURU DENDA
HITZ LIBURU DENDA
AMILOTX LIBURU DENDA
ARALDE LIBURU DENDA
BILLIKEN LIBURU DENDA
ARRIAGA MEGADENDA
AXULAR LIBURU DENDA
ABARZUA LIBURU DENDA
AUZOLAN LIBURU DENDA
XALEM S.L.
XALBADOR LIBURU DENDA
MATTIN MEGADENDA

ERRENTERIA
TOLOSA
BILBO
BILBO
BILBO
BILBO
ALGORTA
BARAKALDO
BASAURI
DURANGO
GERNIKA
LEKEITIO
AMOREBIETA
GASTEIZ
GASTEIZ
IRUÑEA
IRUÑEA
IRUÑEA
IRUÑEA
BAIONA

Egunkaria